

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, koje zastupa ministar Admir Katica (u daljem tekstu: Kupac) i

“ELZAS” d.o.o. Sarajevo, ulica Muhameda ef. Pandže 395, ID broj: 4200579710008, kojeg zastupa direktor Mesud Fazlagić, (u daljem tekstu: Prodavac)

zaključili su:

**UGOVOR O NABAVCI
RADIO STANICE - MOTOROLE**

Član 1.

Predmet ugovora je nabavka radio stanice - motorole DM 4601 E VHF za potrebe Ministarstva unutrašnjih poslova Kantona Sarajevo, koja će biti ugrađena u helikopter za potrebe izvršavanja operativnih zadataka policijskih službenika Uprave policije Ministarstva unutrašnjih poslova Kantona Sarajevo u toku leta.

Nabavka je izvršena putem direktnog sporazuma na osnovu Odluke o pokretanju postupka broj: 04-1-11-4-4752-1/25 od 11.07.2025. godine, Ponude Prodavca od 08.07.2025. godine i predračuna Prodavca broj: 111/25 od 18.07.2025. godine koja je sastavni dio ugovora.

Član 2.

Ukupna vrijednost nabavke za robu iz člana 1. ovog Ugovora iznosi 1.842,00 KM bez PDV-a (jednahljadaosamstotinačetdesetdvije i 00/100 KM).

Član 3.

Rok isporuke je 30 dana od dana obostranog potpisivanja ugovora.

Prodavac se obavezuje da će isporuku izvršiti u skladu sa tehničkim karakteristikama za robu koja je predmet nabavke i da će odmah postupiti po eventualnim primjedbama u pogledu nedostataka na ime kvaliteta isporučene robe.

Kupac je dužan dostaviti pismeno obavještenje o svakom propustu Prodavca.

Kupac će utvrditi razuman rok za ispravku propusta Prodavca u smislu isporučene robe.

Član 4.

Plaćanje se vrši u roku od 7 (sedam) dana nakon isporuke i ispostavljanja fakture.

Član 5.

Garantni rok za isporučenu robu je 24 (dvadeset četiri) mjeseca od dana isporuke.

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom i ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

RJEŠAVANJE SPOROVA

Član 7.

Ugovorene strane su saglasne da sva, eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 8.

Ovaj ugovor je sačinjen u četiri istovjetna primjerka, od kojih po dva zadržava svaka ugovorna strana.

Član 9.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.

PRODAVAC:

"ELZAS" d.o.o. Sarajevo



direktor, Mesud Fazlagić

Datum: 20.07.2025

Broj: 02-7/25

KUPAC:
MINISTARSTVO UNUTRAŠNJIH POSLOVA
KANTONA SARAJEVO



ministar, Admir Katica

Datum: 21.07.2025. godine

Broj: 04-1-11-4-4752-2/25